

Komunidade sinodál sira

“Estilu sinodál hanesan iha Mornese”

(Jo 2,3-10)

Oras ne'e ita tama iha ita-nia Komunidade Edukativa sira nia dimensaun sinodál. Maromak nia Liafuan sai roman ba ita-nia babukak sira, atu kria ikas fali iha ohin loron, *liafuan no hahalok sira* ne'ebé partisipante iha kasamentu Kaná nian fó hanoin, iha ita-nia hilin no resposta sira loron nian iha moris no fiar.

KOMUNIDADE SIRA NE'EBÉ DEHAN NO HALO

Ita tama iha parte dahuluk Livru sinál sira nian, iha ne'ebé ita hetan asaun sira nia korente rua, ne'ebé hasoru malu beibeik: **Maria nia asaun sira**, ne'ebé liga ba Jezús nafatin no lori ba Nia, no **Jezús rasik nia asaun sira** ne'ebé hatudu Nia nu'udar liurai, hanesan sentru no motivu atu transforma akontesimentu.

Importante katak, hodi hakle'an testu ida ne'e, ita husik dinamika asaun sira nian, liafuan sira nian no provokasaun sira nian halo ita hakfodak... sira mosu no lori ritmu, korente mudansa sira nian no transformasaun simboliku sira, nakonu nafatin ho signifikadu ba komunidade ne'ebé hala'o buat hirak ne'e.

1. *Inisiativa mai husi Jezús nia inan (Jo 2,3-5)*

- ***Nia ko'alia atu fó hatene buat ne'ebé falta. «Sira la iha tua»***

Tua mak simbolu sentrál iha akontesimentu ida ne'e. Maria mak sasin katak tua la iha, mestre tenda nian sasin kona-ba tua

nia kualidade no atan sira kona-ba hun tua nian no eskolante sira kona-ba Jezús nia “sinál” dahuluk nian. Uluk knanain evidénsia buat ne’ebé falta, atu hafoin evidénsia liu *prezensa no abundánsia*. Iha sagrada Eskritura tua mak **elementu ida importante liu iha festa mesianika**. Tua **akompaña no esprime domin** (Ct.1,2,4;2,4;4,10;5,1;7,10;8,2), **tadak ran nian** (Is.63,1-6; Zech.9,15) no ema bolu mós “uvas nia ran” (Gn.49,11;Dt.32,14; Ecl.39,26).

Maria, ho ninia intervensaun, halo posivel katak **Rai Prometida nia presente sira** bele koko iha Kaná, nu’udar tua ho kualidade di’ak liu (Num 13,20-25).

Nia hakbesik Jezús no dehan ba Nia: “*sira la iha ona tua*”. Liafuan ida ne’e, ne’ebé mai husi Antigu testamentu, hafanu iha Jezús asaun ne’ebé **sei halo mosu Buat ne’ebé Foun**.

Maria hakbesik realidade **husi kraik** (nia tama kle’an iha buat ne’ebé akontese), **liuhusi aproximasaun** (nia ba besik), **husi laran** (nia ba kle’an). Dook husi kualker indiferénsia, nia husik realidade envolve nia an no haree buat ne’ebé falta. Nia observa no haree **buat ne’ebé falta**. Bele akontese buat ruma aat liu. Tanba tua hotu ona, bele signifika fallansia relasaun kaben-nain sira nian ne’ebé foin hahú. Tan ne’e, inan fó hatene antes katak sira la hanoin katak tua uitoan de’it ka konvidadu sira barak liu fali buat ne’ebé sira hein. Maria esprime **buat ne’ebé kuran husi parte umanu**, elementu ne’ebé konstitui momentu ida ne’e. Nia ema dahuluk ne’ebé ita rona ko’alia kona-ba **buat ne’ebé kuran, nia sai portavoz nesesidade ida nian**. Iha nia, ita haree feto ida ne’ebé ko’alia, halo; ninia prezensa mak efikaz. “Dala ida tan Maromak, iha ninia Oan, prezisa Maria nia liafuan”.

- ✓ Ita hatene evidénsia ema nia prezisa? Oinsá? Ita foti ita-nia lian – iha ne’ebé ita hela bá – atu defende foin-sa’e sira no feto vulneravel sira nia direitu sira?

- ✓ Oinsá ita tama iha realidade, liuhusi laran, hodi hakbesik no husi kraik?
- ✓ Ema barak, ne'ebé ita akompaña, nia oin no istória hatudu katak tua kuran. Iha situasaun ida ne'e Maria la hela hakmatek, hodi la halo buat ida. Se ita iha Maria nia fatin, ita sei halo saida?

Atensaun konkreta no efikaz

Maria tama kle'an iha mistériu loron-loron nian, iha buat ne'ebé mosu, no konxiente ho buat ne'ebé falta. La iha ema ida, menus nia, mak nota atan sira nia hateken lahakmatek ne'e nian, sira-nia oin preokupadu sira ne'ebé la hatene oinsá dehan ba noivu katak la iha ona tua atu fó no, liuliu, ksolok iha perigu laran. Ninia atensaun la hakribiit ema ida, maibé inklui, envolve, nune'e nia halo ema nia ksolok, terus, preokupasaun sai ninian; nia domin hatene tau matan ba ida ne'ebé nia haree no komprende buat ne'ebé ema koko/sente.

Ita simu bolun atu moris ho domin ida hanesan Maria ninian, ***atentu no konkretu, ne'ebé hafanu ita-nia sentidu sira*** hodi loke ita ba Maromak no umanidade nia realidade. Halo di'ak mai ita aprende atu *hateke, horon, book no koko, atu bele hadomi no sente ho ita-nia umanidade tomak.*

Papa Francisco bolu buat ne'e "***atensaun konkreta***", tanba la to'o atu fó atensaun, maibé presiza *tama kle'an*, buka modu sira atu dirije presiza ne'e, nune'e atensaun ida ne'e la'ós de'it afetiva, maibé mós efikaz.

Husu mós ba Vida Konsagrada atu aprende ba liu situasaun sira injustisa no pobreza nian, atu ***komprende situasaun sira ne'e nia kauza.***

Fó hanoin ba buat ne'ebé falta nia kauza kle'an liu, tansá tua domin no solidariedade nian hotu ona; tua la iha ona tanba balun hemu hotu, rai tua no estraga, sira seluk fali la iha tua

ne'ebé sira presiza. Pobreza boot liu *la'ós bainhira la iha buat ruma, maibé bainhira la fahe no la hetan ksolok.*

- ✓ No ita, maski ita iha kusi barak, tua sa de'it mak falta? Tua ida ne'ebé ita la bele fahe? Hahalok *atensaun konkreta no efikaz nian* ita bele hatudu hasoru realidade ne'ebé sofre no falta buat barak iha ita-nia teritoriu ka kontestu sira? Oinsá ita la'o hamutuk ho ema seluk, atu hasai *kauza sira ne'e?*

- ***Umanidade nia dezafiu sira ne'ebé kona ita. "Feto, ita hakarak saida husi ha'u?" (Jo 2,4)***

Jezús bolu Maria *feto*, hodi fó hano in ba Kriasaun nia inísiu no ba ***antisipasaun*** pasajen seluk Evanjellu nian: Samaritana (Jo 4), ne'ebé tau *iha distansia, kanaban ida nakonu ho bee*, no temi *oras*; Maria iha *kruz* hun (Jo 19,27); Maddalena (Jo 20): *ausénsia, falta, koñesimentu, haklaken ba maluk sira buat ne'ebé Jezús dehan ba nia.*

Jezús nia modu ko'alia nian, hodi bolu Maria *feto*, mak oin seluk liu. Iha Biblia, la iha oan ida ne'ebé bolu ninia inan rasik hanesan ne'e. Karik João hakerek nune'e atu ***inklui feto ida-idak***, ne'ebé fó *atensaun* ba realidade, ne'ebé husik realidade interpela nia, haraik an no matenek atu refere ba ida ne'ebé bele halo buat ruma; firme, maski simu resposta sira ne'ebé halo hakfodak; aten-barani atu prevee; livre husi ninia an rasik atu ba hasoru nesesidade naran de'it.

Jezús hatán nune'e tanba Nia indiferente?... *Oinsá buat ne'e kona ha'u no ita?* Ne'ebé bele traduz ho *"ita hakarak saida husi ha'u? Husik ha'u hakmatek! Tansá ita no ha'u tenke preokupa iha situaun ida ne'e?"* **Oinsá kona ita?** Jezús hato'o pergunta ida, maibé la iha resposta, pergunta sei loke

hela. Parte sira seluk Evanjellu nian sei fó resposta, no nia hein ita-nia resposta.

✓ Ohin Jezús husu mai ita, dala ida tan, *oinsá situasaun* pandemia universál nian *kona ita?* Oinsá realidade terus nian husi foin-sa'e barak ne'ebé la iha moris, dignidade, fiar no sentidu, book ita?

- ***Hodi antisipa “oras”. “Ha’u nia oras ladauk to’o” (Jo 2,4)***

Jezús hanoin ba “oras” ida ne'ebé? João nia comunidade apresenta “oras” *iha unidade ida*. Jezús nia mate no iha tempu hanesan ninia esaltasaun; ema hasa'e Kristu iha kruz, hanesan hasa'e iha kadunan glória nian; husi ne'ebá nia fakar ninia Espíritu iha mundu. “Oras” mak manifestasaun totál *Domin nian*.

Hodi hatán nune'e ba Ninia inan, Jezús hakarak kore ligasaun raan nian no hari'i ligasaun comunidade nian, ne'ebé sei tahan ba nafatin. Nia hadook An husi Ninia inan atu marka Ninia lialoos rasik. Nia simu buat ne'ebé falta, maib? Hasa'e nivel diálogo nian. Jezús la mai atu resolve problema ida.

Iha Evanjellu, João haktuir katak *Jezús rasik foti inisiativa* iha buat hotu ne'ebé Nia halo. Se iha Evanjellu sinoptiku sira ema moras sira husu ba Jezús atu fó isin di'ak ba sira, iha João nia Evanjellu, Jezús fó isin di'ak maski ema la husu ba nia, Nia halo antes nafatin. Bainhira ema husu sinál husi Nia, Nia la halo! Nia sei halo bainhira Nia hanoin katak ida ne'e di'ak, Nia halo ho modu espetakulár liu fali buat ne'ebé ema husu ba Nia. Hahalok sira ne'e hatudu ninia ***kbiit nu'udar Liurai no autonomia Maromak nian***, tuir Ninia tempu sira. La iha ema ida ne'ebé influénsia Nia, Ninia “oras” *iha Aman Maromak nia liman no Nia halo tuir de'it Ninia hakaran*.

- ✓ “Oras” seidauk to’o? ita husu ba ita-nia an, bainhira mak momentu loos? Oinsá ita bele *anticipa Jezús nia “oras”* atu foin-sa’e sira no ita-nia povu bele hetan Moris naresin ne’ebé sira buka?
- ✓ Karik “oras” seidauk to’o, maibé Ninia hahalok supera ita-nia tempu sira, se ita persevera atu promove “oras” ida ne’e nu’udar mediatora sira ho aten-barani no konfiansa. Ita tama to’o iha ne’ebé ba foin-sa’e sira nia hakilar ne’ebé *interpela ita-nia prontidaun, hodi antisipa Jezús nia asaun libertadora?*

- ***Liman rohan di’ak liu, entrega di’ak liu. “Imi halo buat hotu ne’ebé Nia dehan ba imi” (Jo 2,5)***

Maria la halo de’it Maromak nia hakaran iha ninia moris, maibé gia ema seluk atu halo hanesan, tulun eskolante sira atu iha fiar, atu halibur hamutuk hodi haleu Nia. Iha mudansa iha Maria nia moris: husi dixipula no tuir Jezús ***nia sai edukadora, gia no leader comunidade nian.***

Maria nia liafuan ikus sira iha Evanjellu sira hafoun Maromak nia aliansa ho ninia povu (Ez 19,8.24,7). Ko’alia tiha ba atan sira, ***Maria la temi tan liafuan ida.*** Ninia silénsiu evidénsia ninia Oan nia “sinál” no eskolante sira nia fiar, ne’ebé hahú fiar tanba sira haree. Sira mak simbolu povu Israel ne’ebé tenke nakfilak an liu husi dalan naruk. Liafuan hirak ne’e mak ikus, tanba la iha ona buat ida atu aumenta; nia dehan buat hotu, ida ne’e mak ninia ***liman rohan furak!*** Papa Francisco rekoñese liafuan hirak ne’e hanesan buat ruma ne’ebé *kompleta dezeñu kazamentu nian iha Kaná.* Ohin Maria repete liafuan hirak ne’e mai ita. Ne’e mak ***liman rohan ne’ebé sai doasaun moris nian*** ba ninia oan feto doben sira. Ida ne’e mak ida ne’ebé murak liu.

- ✓ Maria nia liafuan sira fó hanoin, iha ita-nia espiritualidade Mornese nian, kona-ba ***entrega***

ne'ebé Main simu husi nia, iha Borgo Alto: “Ha'u entrega sira ba ó”. Liafuan sira ne'e mak mandatu iha Jezús nia Naran, ne'ebé troka Main nia moris no sai fiu ne'ebé unifika ninia dixipuladu no ninia misaun edukativa. Oinsá entrega ida ne'e kontinua ohin loron iha ita-nia moris no hodi rona ita-nia Komunidade Edukativa sira?

Hodi hari'i ponti sira no loke dalan

Espresaun “*Imi halo buat hotu ne'ebé Nia dehan ba imi*” hatudu katak Maria *fiar iha Jezús molok Nia realiza milagre ida*, situasaun la hanesan ho dixipulu sira ninian (*Jo 2,11*). Maria la husu buat ida ba ninia an rasik, nia husu ba ema seluk; nia iha relasaun konfiansa nian ho ninia Oan no ho atan sira. Nia **iha klaran**, husi relasaun familiár, bainhira nia ko'alia ho ninia Oan, pasa ba relasaun ho atan sira.

Iha ne'e, ita haree ilas Povu nian ne'ebé, durante viajen iha rai-fuik maran, hamlaha no Moises hato'o sira-nia presiza ba Maromak. Fó hanoin mós ba Faraun nia liafuan ba povu Ejiptu nian ne'ebé hamlaha ba paun: “*Imi husu ba José no halo buat ne'ebé nia dehan*” (*Jen 41,55*) no mós José nia liafuan sira ba ninia maun sira (loron datoluk) “*Imi halo buat ne'e no imi sei moris*” (*Jen 42,18*).

Maria **la resolve problema**, nia ba hasoru Ida ne'ebé bele tama no halo buat ruma, ne'ebé fó ksolok rohan la'ek nu'udar fuan. Nia **sai ponti**, iha ne'ebé liu humanidade nia todan, ita-nia mo'e, ita-nia defeitu sira: ponti ne'ebé liga ba Jezús, tanba Nia de'it bele fó sentidu ba ita-nia pobreza sira.

- ✓ Ita hakarak sai Komunidade sinodál sira ne'ebé intersede hanesan Maria, **hodi hari'i ponti sira** ne'ebé metin liu no **hodi loke dalan sira mediasaun nian** ho humanidade ne'ebé sofre. Oinsá

“soru” rede ho instituisaun seluk, hanesan Família Salesiana, hodi la’o iha dalan no periferia sira, iha ne’ebé foin-sa’e no feto barak husu dignidade? Hakilar sira ne’e husu atu ita halo saida ba sira no hamutuk ho sira?

- ✓ Oinsá ita *haka’as an atu prepara an* atu bele hatan ba *dezafiu sira* husi misaun edukativa ne’ebé entrega mai ita?
- ✓ Oinsá ita *prezente iha fatin sira iha ne’ebé foti dezisaun sira* ne’ebé influénsia mundu juvenil?

